



明詩正聲卷二十三 五言律詩四

廣陵

盧純學

選輯

江一夔校閱

十二月朔旦候 駕出南郊 楊慎

天仗雲門外宵衣晚漏前蒼龍旂影動朱鷺鼓  
聲傳星爛甘泉燭霜清泰時烟南郊新警蹕重

覩 孝皇年

宿積翠巖

曉色動香城天風雜梵聲鷄鳴關樹白龍卧海





波清湘浦行捐珮滄浪坐濯纓思歸還引望懷  
古若為情

宋玉宅

文藻三閭並幽懷九辨知雲為巫峽賦雪作郢  
中詞茅屋還遺址蘭臺異昔時鴻裁誰獵豔空  
自拾江籬

咸陽

帝里繁華歇神臯歲月多秦城依北斗渭水象  
天河頽堞無遺土驚川有逝波丘陵沈霸氣松

栢起悲歌

送張惟信冊封唐邸因歸省母

鳴玉遙持節分珪重剪桐驂騶開蜀道蟋蟀采  
唐風稅駕雲山外迴船月峽東還將南陔什一  
奏北堂中

登金華山玉京觀懷陳子昂二首

巴嶠亭前立涪江檻外斜雪堂開洞府雲木上  
烟霞葉響非關雨林香不是花玉京如可到從  
此問丹砂



古調今寥落令人憶拾遺不圖垂拱世復覩建  
安詩瑟在猶清廟碑殘尚色絲紫陽留詠後千  
載有鍾期

荅馬敬臣二首

北闕承恩譴南荒作旅人可憐同瘴癘猶自隔  
音塵鶴嶺霏烟外螳川積水濱三年不相見兩  
地各傷神

空宇澄新霽殊方報早秋涼風天末樹明月海  
邊樓塞草封歸望湘蘭喚別愁來章三復罷對

酒不能酬

月夜贈張子文邦

黃佐

獨榻依蕭寺清尊散暮愁踈鐘聞上苑片月在  
飛樓天地雙龍劍江湖一釣舟壯懷吾共汝搖  
落歲云秋

夏日游道觀

薛蕙

隔竹窺丹洞臨池坐碧沙玉杵盛石髓翠籠貯  
雲芽展簟來風色吹笙上月華休論河朔飲詎  
似醉流霞



送馬伯循

城隅飲餞地日暮朔風吹征鳥不返顧浮雲相背馳踟躕意何極嘆息涕空垂世路今如此焉知後會期

丘中

返照丘中路孤煙水上村野田荒蘚色沙岸落潮痕日短騰書卷天寒頻酒尊定知無客到不必掃柴門

藥室詠

山階穿藥井石室置丹鑪壁掛三天字函封五嶽圖僊人邀對酒玉女伴投壺但逐雲霄去無論日月徂

送周侍御

閩越三山外東南八郡遙褰帷向絕徼攬轡下中朝風起江潮動霜飛瘴霧消九重思諫諍計日上雲霄

邯鄲道中

門對罍罍靜城臨睥睨斜愁人倚高閣清夜動



悲笳月暗雲生葉風寒露作花徘徊望牛斗  
鬢辨京華

元夕興隆寺觀燈

燈火金仙閣丹青綉佛筵叢林開寶樹大地出  
青蓮梵鏡含明月天香雜彩烟諸公共隨喜吾  
醉欲逃禪

香山寺石樓

蔣山卿

鑿嶺開天闕疏峰抗石樓雲梯懸百仞劫火辨  
千秋合沓山空碧潺湲水自流有無俱是幻頓

覺此生浮

採菱曲

新粧麗且鮮越女鬪嬋娟飄風落紅粉濺水濕  
花鈿紫莖牽更直碧葉聚能圓採摘將誰寄私  
心祇自憐

灤縣晚行

漠漠平沙闊荒荒白日低朔雲孤鴈度昏樹亂  
鴉棲戍鼓聽猶隔村烟望欲迷關山有戎馬憐  
爾正征西



白河寒望

極目空原野蕭條此水村微茫河自白慘淡月  
初昏遠岸迴蒲口寒潮接海門扁舟忽漁唱楚  
客正傷魂

黃長史園亭

獨卧園林裏王門懶曳裾春風三月酒白日一  
林書柳細鶯喧蚤苔新客到踈相看共青眼感  
慨識君初

送人

崔桐

送客一杯酒秋風思不禁烟霞萬頃地江海百  
年心渚靜蘆花白天空鴈影沉棹歌中夜發殊  
覺別愁深

聞聖駕還闕

郭維藩

雪裏黃麾轉雲間紫闕開千官迎駕入九廟喜  
鑾迴中貴還拋甲親軍罷結枚無由陳羽獵空  
羨子雲才

汶上道中

王謳

孤遊來汶上歸思滿秦中水泛山城雨花殘野



樹風行人尋魯道落日向秦宮茅屋應如昔傷  
予類轉蓬

謝園

沽酒長安陌芳春謝客家片雲來作雨落日散  
成霞坐起扶青竹行吟繞碧沙武陵知不遠洞  
口問桃花

送王知事還蜀

王廷陳

佐郡已三載還家無一錢苦心成白首達命任  
青天峽東秋江怒雲盤古棧懸歸來楊子宅寐

冥守吾玄

彈箏

花月可憐春房櫳映玉人思繁纖指亂愁劇翠  
蛾顰授曲歌頻變留賓態轉新曲終仍自敘家  
世本西秦

被逮道中別舅氏歸

殊方秋更苦失路暫相將身世悲江夏軒車感  
渭陽勿傳三木慘驟使二親傷會有生還日心  
無愧彼蒼



道中憩廢寺

徙倚前朝寺，依棲舊法筵。  
狐狸啼白晝，龍象泣諸天。  
寶樹縈蛛網，蝸涎篆石蓮。  
祇園猶寂寞，歧路倍堪憐。

寄友人

獨立向江天，相思隔暮烟。  
草玄從客笑，衰白任一作人憐。  
五岳幾時去，一丘長晏眠。  
幽懷何所寄，叢桂晚逾妍。

寄顏惟喬

聞子幽棲處，絕無人世喧。  
琴書元栗里，鷄犬似桃源。  
雲影晝垂席，溪流春到門。  
弓旌早晚至，白首去丘園。

秋日遊靈谷寺

禪寺空山裡，鐘聲何處尋。  
徑穿幽樹杳，門積古苔深。  
丹殿揚朝彩，雕廊下夕陰。  
鍾陵有佳氣，秋盡未蕭森。

觀音山江閣與顧英玉看月 陳沂

鷲嶺宿龍宮，凭闌一望中。  
天遙滄海盡，月小大



江空亂石穿寒溜  
虛廊度晚風  
只疑銀漢渚  
偶爾使槎通

與顧華玉登金山

江心擁鷲峰  
金界出芙蓉  
僧向空中定  
人從水上逢  
懸燈動星月  
傳梵起魚龍  
浪說蓬瀛路  
鯨波更幾重

宮柳

嫋嫋春深裏  
陰陰曉色中  
縷垂金屋暗  
花散玉樓空  
凝露啼秦苑  
因風鬪楚宮  
不知行輦處  
幾

樹近簾櫳

經牛頭山寺

落日牛頭寺  
攀緣嶺七盤  
鳥聲秋葉暗  
山影石溪寒  
清楚空中聽  
丹樓畫裡看  
到門僧不見  
松檜滿秋壇

兔園山

馬汝驥

雲梯盤石迥  
水洞穴山深  
龍壑春雷鬪  
鮫宮晝日臨  
壁金翻竹色  
檻玉落藤陰  
誰作梁園賦  
還來奏上林



題龍泉觀

鶴觀層霄立龍泉萬仞飛嶽雲盤壁古天翠入  
窓微躡斗丹梯上朝元絳節歸松蘿冬更碧雪  
日映仙衣

北岳

許宗魯

恒宗居北極玄朔望中孤古色含冰雪神光變  
有無窮荒窺瀚海磅礴奠幽都轉憶觀風日登  
臨覽壯圖

八月晦日酌山樓同韋西諸君子

登樓携賦客酌酒對南山秋漸同人老雲能共  
我閒烟光三輔外樹色五陵間莫漫傷搖落相  
逢且破顏

登岳陽樓

澤水含秋盛樓光向晚孤倚闌聞白鴈把酒對  
蒼梧楚客悲今昔湘靈怨有無興來留賞地落  
日下平湖

來青軒

路轉青霞外軒開碧漢旁谷烟當晝暝峰影度



雲涼翡翠團松蓋琅玕瑩竹房蕭然屏几靜嵐  
氣濕衣裳

曉霽登玉女閣

飛閣俯春湍清朝客倚闌烟光晴作彩山氣翠  
生寒樹擁宮城闕林開輦路盤臨風懷玉女仙  
珮下珊珊

謫蜀過謁雙忠祠

曹嘉

直諫在前代孤忠激後臣光猶爭日月色豈變  
松筠弔古千行淚投荒萬里身回思犯顏日斧

鉞在楓宸

次韻荅空同舅氏

兩度微官謫孤身絕塞行漢廷收墮淚蜀道軫  
離情玉壘蠶叢國龍標劔閣城乾坤形勝地何  
處挂冠纓

泗州南樓晚登

李士允

不倦東山屐重登南郭樓遠波真浴日環嶠欲  
銜秋月牖吞淮泗風簷逼斗牛五雲時冉冉應  
識帝王州



夕雨

許相卿

兀兀憑誰語空齋祗獨棲  
雨深山更靜溪漲岸  
全低門巷風塵遠簷楹草樹齊  
新晴散孤悶尊酒正堪携

再遊蘇臯祠

尚識曾遊處仙雲遍古壇  
林深天忽暝春淺午猶寒  
畫壁蛛絲縵苔碑鳥篆殘  
自憐踪跡遠到處得盤桓

晚晴

苦雨連旬日初晴一振衣  
殘雲依海嶠新水到柴扉  
僻性嫌山淺塵緣與世微  
斜陽踈樹裡清影日邊歸

送謝東山

敖英

徘徊歲將暮君作渡江吟  
野水孤蓬夢冥鴻萬里心  
月寒津樹合天遠浦雲深  
明日洪厓路仙源不可尋

送顧經歷之福建

朱豹

京華倦羈旅歸路喜南天  
烟柳山頭驛春溪樹



抄船官清蓮幕靜地煖荔枝鮮况值干戈少詩  
篇紀歲年

送友人

黃省曾

萬里峨眉月三春梁苑花相逢一杯酒揮淚各  
天涯慷慨別筵促殷勤前路賒渝州新曲怨能  
使鬢生華

客中聞四弟消息

鄭作

昨遇梁園使孤城舍弟居干戈長在目烽火不  
通書汝計猶長劔吾心已敝廬兩鄉千里隔瞻

望各霑裾

夜歸洱海道中

程旦

杳杳空原暮蕭蕭征馬鳴長風吹海暗新月傍  
人明河影城頭墮秋聲塞外生客懷頻拊劔時  
事正論兵

晚秋移居寺中遣懷

豐坊

身世真相棄清貧久自忘蒼苔綠破壁黃葉滿  
空牀飯借僧厨米燈分佛殿光猶餘五經笥一  
任鬢為霜



宿遷

陳蒙

古邑臨河水昏鴉噪縣門四方爭集市三戶自成村禾黍秋風隴牛羊落日原客愁千萬種辛苦向誰論

榆林道中

桑溥

迢遞榆關道西風捲客旌寒沙迷古塞落日下孤城水險遮胡騎山高列漢營君王方便武邊將莫言兵

涇州

吳鎧

隴坂秦雲暗涇原春草萋河流沙漠外亭列玉關西雪嶺傳烽火天山震鼓鼙酬恩當此日戰馬向風嘶

書營平侯祠壁間

白草連天遠黃雲出塞平胡笳吹漢月羌笛弄秦聲北海猶傳箭西戎未撤兵留田當寧意寧惜度金城

涼州戍

聞道涼州戍連年去未回健兒多戰死醜虜至



今來白骨紛無數黃雲慘不開  
龍城秋夜月羌笛不勝哀

出塞曲

任淳

諸軍俱虎佩大將復鷹揚  
草穴搜玄兔沙場斲白狼  
層霜金鑲甲盪雪綠沉鎗  
胡騎中宵遁旌旗滿大荒

其二

登壇臨玉塞報主荷金戈  
漢節當關重朔笳出塞多  
氣吞玄朔壘兵洗白洋波  
休信單于款謀

窮偽請和

其三

飛符充漢將羽檄事秦邊  
馬出居庸塞人經上谷川  
矢心清瀚海受脰勒燕然  
早繫單于頸王師奏凱還

新春史官保席上

頓銳

日麗紅雲近春歸綠野長  
層臺臨綺席曲水泛瑤觴  
絃奏梁塵起屏開蜀錦張  
主人能好客不厭禰衡狂



重過醴泉得泉字

王溱

野色開佳境雲根擁醴泉孤亭曾自醉舊蹟迥  
堪憐徑仄移寒日山空歛夕烟何時重載酒春  
賞石橋邊

落星寺別蔣南泠

別意隨流水迴船過落星湖光侵寺碧野色入  
山青鷗鷺馴沙岬魚龍駭石汀虛堂歸興渺烟  
浪晚冥冥

登天柱閣

胡纘宗

與客上江樓橫江山欲浮雲當天柱落月傷小  
孤流帆外收吳楚尊中泛斗牛瀾漫忽千里倚  
檻思悠悠

陳公渚夜泊

孫宜

水國維舟夜孤帆繫客情北風昏暮日南斗向  
秋城岸閣丹楓下天高白鴈鳴故山當此夕烟  
月共誰明

湖上雜興

地遠山圍宅城孤市遶村菰蒲侵草閣鷗鷺到



柴門野霧峰全暝湖煙渚半昏坐憐漁父過隨  
意倒芳尊

紫騮馬

肅靖王

紫騮遊俠客玉轡珊瑚鞭行驅邁隴坂逐虜到  
燕然汗血風前疾霜蹄塞下穿寧辭沙磧險嘶  
斷玉門煙

擬出塞

趙康王枕易

都護行邊日胡天雪正飛朝傳青海檄暮解白  
登圍龍虎行韜略風雲入指揮何當請長組生

繫犬戎歸

和陳太守登黃華寺

暫着登山屐來看挂鏡臺禪關當谷掩蘭若倚  
天開撫景空花落談經法雨來何時謝塵鞅此  
地避浮埃

送顧茂才聖少北上

北去渡滹沱春風一騎過入燕投刺少留趙著  
書多明月頻呼酒青天獨放歌他時望南國湖  
上有烟蘿



聞砧

西池 河南

何處砧聲急空閨入夜聞哀音流素月寒響徹  
秋雲信斷龍沙遠天高鴈侶分誰能將妾意萬  
里達夫君

夏夜寄懷謝山人時客汾陽

良夜孤清賞懷君倍黯然客星一以別明月幾  
圓圓紫塞雲邊樹青山雨後天相思何處寫隨  
意有冰絢

暮秋遊栢谷寺同諸宗丈得低字

相期過禪院探勝此攀躋簷接諸天近窓臨萬  
嶺低白雲生澗底寒日下松西不倦高秋興重  
來共杖藜

送李子和山人遊西蜀

諭蜀文誰著風流漢長卿欲投巴子國定向錦  
官城羸馬衝山色哀猿雜樹聲武侯遺廟在瞻  
謁重含情

送馮叅將赴陝西

安濕

仗鉞仍分陝乘時復請纓聲名歸大樹威武作



長城電掣蒼龍劍風翻白虎旌塞塵當一掃萬里可橫行

東莊寫懷寄郭僉憲

憶昔呼鷹地年來學老農坐看雲變態睡足日高春無復三春樂惟知萬事慵閉門誰與晤為報郭林宗

汴上逢李東因寄李素甫

睦榘

河南

端坐意不適夏林颯已秋忽逢關外使蹙緩望中憂野日迴殘照池煙澹夕流懷君欲何語獨

上竹西樓

井陘道中

高叔嗣

曉霜塗屋重寒日出林微改轍辭邊徼登車望帝畿深山藏驛道巨壑斷村扉欲問前征侶迷津何處歸

寒食定興雪中

二月鶯花少山家雨雪霏可憐值寒食猶未換春衣積水生空霧高城背落暉忍看楊柳色從此去王畿



晚趨忻口

雲峰聊極目立馬獨愁心豈直關山遠其如雨  
雪深笳聲先入夜邊氣迴生陰疇昔長征意蹉  
跎力不禁

赴晉渡黃河

王程不可緩去此故園難晚日臨晴渚秋風動  
早寒山田十畝廢蓬髮幾絲殘顧影真成笑馳  
驅為一官

簡子揚廷評

終日祗緣此微官柰若何世情堪嘆息身計任  
蹉跎客髮涼風早鄉心夜雨多故交誰復在無  
厭數來過

歲暮荅許武部廷議懷歸

掩閣日愁晚他鄉歲已深未能逃吏網豈是戀  
朝簪以我不如意憐君同此心故園春事及歸  
路倘相尋

冬日西園

泱泱空寒野蕭條只舊林登高時縱目望遠日



愁心世與身為累，貧將病轉深。無能學袁盎，閭里共浮沉。

遊燕西山

栗應宏

山川復幽秘，蕭洒已忘歸。別道通陰洞，孤峯入翠微。巖花隨意落，沙鳥向人飛。醉覺浮雲起，微風吹芡衣。

瓜洲風雨不克渡江

徐階

未遂歸來願，空驚歲月存。布帆三日雨，茅屋數家村。山氣遙連海，江聲近在門。無緣得飛渡，東

望欲消魂

送顧起元甥壻之京

病中愁送客，况復是殘年。雨雪三更夢，江湖萬里船。天垂龍塞沒，星接鳳城縣。到及燕山路，應書數字傳。

沛徐道中

白日下平原，蒼茫野色昏。水深孤嶂沒，土瘠數家存。雨意衝寒急，風聲入樹喧。夢魂不知險，夜夜到鄉園。



早過平陰石門

劉隅

危峰帶古徑迢遞出高原  
石仄雲霞墮崖傾薜荔  
翻通霄疑鳥道映日望  
龍門曉霧蒼茫裡遙看  
秦嶽尊

晚至草涼驛

樹色迷幽壑灘聲急暮湍  
松燈驛騎遠嵐氣客衣  
寒漸覺秦山盡方知蜀  
道難回瞻天漢外北斗  
是長安

出塞

李仁

羽檄來青海牙旗向磧  
砂匈奴猶牧馬主將敢  
言家天接胡塵暗山連  
漢戍斜鉄衣寒不寐徹  
夜聽胡笳

朝天宮東麓亭

飛閣東巖麓遙憑脩竹林  
河山窓裏盡宮闕望中  
深晞髮迎朝日鳴琴坐  
夕陰便將從綺季一洗  
市朝心

登真覺寺浮圖

何棟

凌空垂寶塔破霧出銅盤  
影照青蓮色光寒白



明詩正聲  
卷之二十三  
三  
露團霞標窺日近風磴吐雲寒靜坐觀空界天  
花遶石壇

登妙應寺迴眺京邑

不上西峰望誰知  
帝宅雄星河圍紫極龍虎  
抱金宮王氣千年在朝宗萬國同皇圖天共久  
形勝陋關中

明詩正聲卷二十三



